



# Deddf Addysg (Cymru) 2014

2014 dccc 5

## RHAN 2

### Y GWEITHLU ADDYSG

*Swyddogaethau disgyblu'r Cyngor*

#### **30 Gorchmynion atal dros dro**

- (1) Mae is-adrannau (2) a (3) yn gymwys pan fo gorchmyn atal dros dro wedi ei wneud mewn perthynas â pherson.
- (2) Rhaid tynnu enw'r person oddi ar y gofrestr (os nad yw ei enw wedi ei dynnu oddi arni eisoes).
- (3) Daw'r person yn anghymwys i'w gofrestru o dan adran 9 am y cyfnod a bennir yn y gorchmyn (nad yw'n fwy na dwy flynedd).
- (4) Caiff gorchmyn atal dros dro bennu amodau i'r person y mae'r gorchmyn yn ymwneud ag ef gydymffurfio â hwy ac, yn yr achos hwnnw—
  - (a) mae'r person i ddod yn gymwys unwaith eto i'w gofrestru o dan adran 9 ar ddiwedd y cyfnod a bennir o dan is-adran (3) os yw'r person wedi cydymffurfio â'r amodau, a
  - (b) os nad yw'r person wedi cydymffurfio â'r amodau, mae'r person yn parhau yn anghymwys i'w gofrestru hyd nes y bydd wedi cydymffurfio â'r amodau.
- (5) Mae unrhyw amod a bennir mewn gorchmyn atal dros dro i gael effaith—
  - (a) am unrhyw gyfnod a bennir felly, neu
  - (b) heb derfyn amser.
- (6) Ond caiff y Cyngor, ar gais person sydd wedi cael gorchmyn atal dros dro, amrywio neu ddirymu unrhyw amod a bennir yn y gorchmyn.
- (7) Rhaid i gais o dan is-adran (6) gael ei wneud yn unol ag unrhyw reoliadau a wneir at y diben hwnnw o dan adran 28.